



TEREPONI 'APAIPAI RIMA NŌ TE 'AKAMATAKITE'ANGA TUMATETENGA VIVIKI



Mē kā tupu te kino ma'ata ki roto i tō'ou ora'anga, ki tō'ou tūranga ora'anga kōpapa, mē kore ra, ki tō'ou tūranga ngā'i no'o'anga, ka rauka kia tuku'ia atu tēta'i karere ā te Tereponi 'Apaipai Rima Nō Te 'Akamatakite'anga Tumatetenga Viviki, ki runga i tā'au tereponi 'apaipai rima.

'E karere te Tereponi 'Apaipai Rima Nō Te 'Akamatakite'anga Tumatetenga Viviki, tei tuku'ia atu ki runga i tā'au tereponi 'apaipai rima, ē tēta'i putputu'anga tei 'akamana'ia. 'E ma'ata 'ua atu ei te turituri ō tē reira nō te 'akapāpū, kia rongo meitaki koe.

'Ea'a tāku ē tau kia rave, mē tae mai tēta'i karere ā te Tereponi 'Apaipai Rima Nō Te 'Akamatakite'anga Tumatetenga Viviki?

'Akamotu'ia tā'au ē rave ra, ka āru ei koe i te au tuatua 'akaue'anga.

Ē tuku 'ua 'ia ana te au karere Tereponi 'Apaipai Rima Nō Te 'Akamatakite'anga Tumatetenga Viviki, meī te mea ē:

- 'e tūranga kino ma'ata tē kā tupu ki te ora'anga, ki te ora'anga kōpapa, mē kore ra, ki tō'ou tūranga ngā'i no'o'anga, mē kore ra,
- 'okota'i, mē kore ra, ē rua taimē i te mataiti, nō te au 'akakoro'anga ākara 'akatinamou'anga.

Mē kā tae atu tēta'i 'akamatakite'anga kiā koe, ē āriki meitaki ma'ata koe i tē reira, ma te rave i tā tē reira ka 'akaue atu.

Kāre te au tereponi katoatoa ē rauka i te rave mai i ta te Tereponi 'Apaipai Rima Nō Te 'Akamatakite'anga Tumatetenga Viviki, ē nō reira, mē 'e 'akamatakite'anga tā'au kā tae atu, 'e 'akakite koe ki tēta'i aronga kē 'akaou mai.

Te 'irinaki nei matou e, ka rauka i te ma'ata'anga o te au tereponi tei 'oko'ia i muri ake i te mat'iti 2017, i te 'āriki i te Emergency Mobile Alerts.

Ka anoano'ia āinei au kia tāina, ē rauka mai ei te au Tereponi 'Apaipai Rima Nō Te 'Akamatakite'anga Tumatetenga Viviki?

Kāre koe ē anoano'ia kia tāina, mē kore ra, kia 'akapae mai i tēta'i app. Kua 'akakoro'ia te au 'akamatakite'anga viviki nō te au ngā'i tei roko'ia ē te kino, ē nō reira, kā tae 'ua atu tē reira kiā koe, mē tei tō'ou ngā'i te 'akamatakite'anga tumatetenga viviki.

Mē tē 'anga'anga ra tā'au tereponi, ka rauka kia tae atu te au karere ki roto i te ngā'i tei 'akakoro'ia, 'e tano e ka tae atu rai te 'akamatakite'anga.

Kō'ai tē ka rauka i te tuku karere Tereponi 'Apaipai Rima Nō Te 'Akamatakite'anga Tumatetenga Viviki?

Ka rauka te au karere ā te Tereponi 'Apaipai Rima Nō Te 'Akamatakite'anga Tumatetenga Viviki, i te tuku anake 'ua 'ia ē te;

- Putuputu'anga Pātireia Mānītia'anga Nō Te 'Akamatakite'anga Tumatetenga Viviki
- Au Pupu Mānītia'anga ō Te Civil Pāruru'anga Nō Te 'Akamatakite'anga Tumatetenga Viviki
- 'Akavā NZ
- Ā'i Kā ē Te 'Akamatakite'anga Tumatetenga Viviki ō Nū Tīrēni
- Minitirī ō te Ora'anga Kōpapa, ē te
- Minitirī ō Te Au 'Anga'anga Primary Industries.

Kāre te Tereponi 'Apaipai Rima Nō Te 'Akamatakite'anga Tumatetenga Viviki, ē mono i tēta'i au ara 'akaou mai.

'E ara kāpiti 'ua 'ia mai te Tereponi 'Apaipai Rima Nō Te 'Akamatakite'anga Tumatetenga Viviki, 'ei ravenga kia no'o meitaki 'ua koe ma te kite katoa, mē tupu ake tēta'i manamanatā viviki. Kāre te au 'akamatakite'anga ē mono i tēta'i au 'apinga 'akamatakite'anga tūkē 'akaou mai, mē kore ra, kia rave i tēta'i raverave'anga i muri ake i te au 'akamatakite'anga nātura.

TE AU RĀVENGA NO TE AU TUATUA 'AKAKITEKITE TE KA ŌRONGA'IA ATU



Te TV



Te rātio



Te Nga'i Akakitekite'anga o te Katoatoa



Te roro uira atuitui




Tereponi 'Apaipai Rima nō te 'Akamatakite'anga Tumatetenga Viviki

'E mea tau rā, kia papa 'ua rāi koe nō tēta'i 'akamatakite'anga tumatetenga ō te kino, ē, auraka koe 'e tiaki kia tae atu tēta'i 'akamatakite'anga viviki kiā koe, kā rave ei koe i tei tau kia rave'ia. Mē tē manako ra koe ē, kā tupu te kino ki tō'ou ora'anga, auraka koe ē tiaki nō tēta'i 'akamatakite'anga papu kia tae atu. Rave viviki'ia tei anoano'ia kia rave'ia.

Kia rava tō'ou tuātau i te te'ate'a-mamao'anga i tā'au parāni 'akamatakite'anga viviki, ē tei roto katoa i reira tā'au kā rave, te ngā'i tā'au ka 'aere ki reira, kō'ai tē ka tauturu 'ia koe, ē kō'ai pēnei, tē ka anoano mai i tā'au tauturu. Ka rauka 'iā koe i te 'akano'o i tēta'i parāni ki runga i te roro uira ātuitui: getready.govt.nz.

'E 'akapē'ea ana te Tereponi 'Apaipai Rima Nō Te 'Akamatakite'anga Tumatetenga Viviki i te 'anga'anga 'anga?



1. Nā te putuputu'anga tei 'akamana'ia, ē 'akatinamou i te au ngā'i tei arapaki'ia, ma te 'akatupu i te 'akamatakite'anga.
2. Ka 'akakitekite'ia nā runga i te rātio meī roto mai i te au 'akano'o'anga tāōa, te'akamatakite'anga.
3. Ka rauka i te au tereponi 'apaipai rima i roto i te au ngā'i tei arapaki'ia, kia rauka mai te 'akamatakite'anga.

Ē tā'anga'anga ana te Tereponi 'Apaipai Rima Nō Te 'Akamatakite'anga Tumatetenga Viviki, i tēta'i akatang'i'anga tei 'akatinamou'ia, ko te rāvenga pāpū meitaki atu 'oki teia, mē tupu ake te manamanatā viviki manako-kore'ia, mē tupu ake te kī ma'ata rava ō te atuitui'anga o te roro uira i te au kapiki tā'anga'anga 'anga ā te tereponi 'apaipai rima ē tā te roro uira. Kāre 'e manamanatā ē, ko tē'ea tēta'i 'ua atu ō te au atuitui'anga tei runga koe i reira. Ko tēta'i 'ua atu tereponi 'anga'anga meitaki, mē tomo atu ki roto i te ngā'i i te tuātau ē 'anga'anga ra te rātio akakitekite tuatua, kā tae atu te 'akamatakite'anga ki tē reira tereponi.

Ka rauka āinei 'iāku i te 'iki kia kore ē tuku'ia mai te Tereponi 'Apaipai Rima Nō Te 'Akamatakite'anga Tumatetenga Viviki?

Nō te mea 'oki ē, kua 'akakoro'ia te Tereponi 'Apaipai Rima Nō Te 'Akamatakite'anga Tumatetenga Viviki 'ei tauturu 'iā koe kia no'o ma te meitaki, kāre ē rauka 'iā koe i te 'iki kia kore te Tereponi 'Apaipai Rima Nō Te 'Akamatakite'anga Tumatetenga Viviki ē tuku'ia atu. Kāre te au karere 'akamatakite'anga viviki ē tae atu ki runga i te au tereponi 'ua tei 'akatinamou'ia, māri rā, kā tae atu ki tēta'i ngā'i, pēnei, tē ka roko'ia ē te kino ma'ata. Kāre te Tereponi 'Apaipai Rima Nō Te 'Akamatakite'anga Tumatetenga Viviki, ē tā'anga'anga ana i tā'au nūmero tereponi 'apaipai rima, mē kore ra, i te ko'i 'akaputu i te au tuatua 'akakitekite nō'ou.